

Galicia Encantada



ANIVERSARIO
2005 * 2025
Enciclopedia de Fantasía Popular de Galicia

Festas e mitoloxía relixiosa

CATEGORÍAS RELACIONADAS

Micromitos 051: O máxico adival

Un adival é unha corda longa, de cânabo ou esparto trenzado, usada para atar a carga dos carros. Non ten unha lonxitude precisa, a pesar de que foi usado para medir leiras e a fondura dos pozos. En algures ten 25 brazas; ou sexa, uns 45 metros.

Nas adiviñasponse interesante: “Cando vai para o monte, vai engurrado; cando vén para a casa, vén estirado”.

Os adivais serven para certificar que os pozos pegos, moi perigosos, non teñen fondo: “Tiraron doce adivais cunha pedra no cabo e non tocou fondo”.

Pero sobre todo forman parte dos rituais de encantamento, xeralmente en fontes, de mozas mouras.

Canda moza soe ir a arca onde leva os haberes atada cun adival. A corda transfórmase en serpe que protexe a encantada, a mesma serpe á que o mozo lle ten que dar tres bicos na caluga cando a intente desencantar.

Se o consegue, poucas veces pasa, o cobra volve ao seu ser inicial; un inocente adival.

E un adival con historia. Co liño cultivado no adro da capela de santo Amaro de Bexo, en Laiño, Dodro, entrenzouse o adival co que ataron os bois que carrexaron o corpo de Santiago até Compostela.

«⇔»

Serie: *Micromitos* **Publicación:** *Nós Diario*, 10 de noviembre de 2020.